



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XI. De His quæ fiunt à majori parte Capituli.

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)

non est consensus capituli, sed singulorum sive pri-
vatus; Ergo. Respond. Requiritur consensus
capituli capitulariter congregati, Nego. Consensus
capituli quomodocunque collectus, Conced. Si
consensus seorsim petitus non est consensus capituli
capitulariter congregati Conced. Quomodocun-
que collectus Neg. min & conseq.

QUÆRES 5. An sufficiat consensus capi-
tuli alienationi factæ postea superveniens? Resp.
Sufficere, taliter quidem ut accedens consensus
trotrahatur ad tempus factæ alienationis; Syl.
cit. num. 11. § 13.

TITULUS XI.

De

His quæ fiunt à majori parte
Capituli.

QUÆRES 1. Quid præsentē titulo intelli-
gitur nomine capituli? Resp. Nōmine capituli
veniunt Ecclesiarum sæcularium Canonici collegia-
liter congregati, & saltem in Sub-Diaconatûs ordi-
ne constituti, juxta Clem. 2. de *arate qualis*. Gord.
præf. & Trid. sess 32. 22. c. 4. de *reform.* in ecclesiis au-
tem regularibus eo nomine veniunt illi tantum pa-
tres, ad quos juxta religionis statuta à S. Pontifice
approbata spectat rebus collegialiter gerendis in-
teresse. Cujus Capituli consensus ut *tit. præf.*
dictum est, requiritur ad res magni momenti per-
agendas.

QUÆRES 2. Qualis Capitularium con-
sensus requiratur, an omnes Capitulares consentire
debe-

debeant, an sufficiat consensus majoris partis; Respond. Cùm sæpius propter diversa hominum studia difficillimum sit omnes Capitulares in unam vocare sententiam, hoc statuendum existimârunt Canones, ut id quod à majori parte capituli factum esset, vim & robur haberet; *cap. i. b. t.* ne quorundam pertinacium dissensus, utilitatem ecclesiæ impediret.

OBJICIÈS. Non semper est acquiescendum majori numero, cujus judicium rarò tutius ac sanius est. *cap. gratum de postul. prælat.* ergo non semper valebunt, quæ à majori parte capituli facta sunt. Respond. Non majori tantum, sed & saniori numero acquiescendum esse; major autem capituli pars sanior præsumitur.

TITULUS XII.

Vt Ecclesiastica beneficia sine diminutione conferantur.

QUÆRES I. Cur beneficia sine diminutione conferenda sint? Respond. Cùm beneficium detur propter officium; ideò ne hoc imminutis aut planè extinctis beneficii redditibus minueretur, aut omninò defereretur, hoc præsentē titulo generalis traditur regula beneficia sine ullâ reddituum diminutione conferenda esse. diminutio hæc duobus modis contingere solet; videlicet per reservationem certæ partis reddituum, & per impositionem annuæ pensionis. de quibus nunc

X 2

viden-